

RESOLUCIÓN 12/2022

Reunida en sesión ordinaria a Xunta Electoral da FEGAN, sendo as 9:00h do 21 de xullo de 2022, estando presentes todos os seus membros emiten a presente resolución cos seguintes

ANTECEDENTES DE FEITO

- I. Que a través da Resolución 07/2022 desta Xunta Electoral determinouse que o número total de entidades deportivas na Asemblea Xeral é de 54, repartido como corresponde por estamentos, especialidades e provinciais, tal e como se establecía provisionalmente no artigo 18.1 do Regulamento Electoral.
- II. A través da Resolución 08/2022 esta Xunta Electoral declarou a candidatura de oficio todas as entidades deportivas que figuran no censo electoral definitivo no estamento de "entidades deportivas", cada unha na súa respectiva especialidade e provincia, co fin de que non tivesen que remitir cada unha delas a súa candidatura.

Na citada resolución habilitouse un prazo que calquera entidade deportiva das que figura no censo electoral definitivo que non quixese formar parte da Asemblea Xeral da FEGAN o puxese en coñecemento desta Xunta Electoral e puidese ser excluída debidamente. Habendo transcorrido o citado prazo sen que ningunha das entidades deportivas tivese comunicado a súa intención de non formar parte da Asemblea Xeral da FEGAN, procedeuse a elevar todas elas a definitivas a través da Resolución 10/2022, a cal na presente data é firme.

- III. Que o artigo 19.4 do Regulamento Electoral dispón que *"Cando o número de persoas candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral."*
- IV. Que toda vez que o número de membros a escoller foi coincidente co número total de entidades deportivas que figuraban no censo definitivo e entendendo que tras non ter solicitado a súa exclusión ningunha entidade deportiva que é vontade de todas as entidades deportivas que constan no censo definitivo formar parte da Asemblea Xeral, polo que co fin de facilitar os trámites de todas as persoas xurídicas afectadas, corresponde declarar de oficio a súa toma de posesión.

En todo caso, co fin de dar as máxima seguridade xurídica ao presente procedemento e garantías a todas as entidades deportivas procede establecer a posibilidade de que todas aquelas que non desexen realmente que se teña por tomada posesión de oficio poidan comunicalo no prazo establecido para a toma de posesión das persoas físicas e sexan, en consecuencia, excluídas da Asemblea Xeral por non tomar posesión do cargo correspondente.

En virtude do exposto,

RESOLVEN

1. Considerar de oficio a toma de posesión de todas as entidades deportivas que constan no censo definitivo e que foron nomeadas como membros da Asemblea Xeral no estamento de entidades deportivas a través da resolución 10/22, co fin de que non teñan que remitir cada un delas o escrito específico.
2. Habilitar a posibilidade a todas as entidades deportivas que figuran no censo definitivo e foron nomeadas como membros da Asemblea Xeral a través da resolución 10/2022 desta Xunta Electoral para que poidan manifestar a súa vontade de non querer tomar posesión **antes do vindeiro día 22 de xullo ás 14:00h remitindo un correo electrónico a xunta.electoral@fegan.org**.
3. Remitir a presente resolución ás presidentas e presidentes das entidades deportivas que conforman o estamento de entidades deportivas na Asemblea Xeral e dar a maior publicidade, dentro dos medios dispoñibles da FEGAN, ao presente acordo.

A presente resolución publicarase para coñecemento público e contra a mesma poderase interpor recurso ante o Comité Galego de Xustiza Deportiva, nun prazo de 3 días hábiles a partir do día seguinte ao da súa notificación, de conformidade co disposto no artigo 33 do Regulamento Electoral.

Para que conste os efectos oportunos, certifico esta resolución co visto e prace do presidente, na Coruña, a 21 de xullo de 2022.

O secretario da XE,



Asdo.: Aitor Bouza Manso

Vto e prace: O presidente da XE,



Asdo.: Patricio Sánchez Fernández